

## Von allerhand/Arzney/

ist gut getruncken für den Grind/vnd von aussen den Leib damit gewaschen.

Auch Zittersehen mit Sal commune / oder gemein Sal/vnd ein wenig Essig vnder dem Wasser bestrichen/heilet sie.

### Klein Klett.



**K**lein Kletten hat alle Eigenschaften der grossen / sonderlich der Samen.

Diese Wurzel gesotten/ in Wein getruncken/benimpt den Stein / der lang in Lenden vnd Blasen gelegen ist. Vnd zu Pulver gestossen/darvnder Rhabarbara gemischer/ nimpt alle Ungesundheit im Leib/ davon Aussatz entstehen möchte/ die genützet mit Wein/es hilfft.

### Keyblümlein.

**K**eyblümlein/ seind kalt vnd feucht im andern Grad/ die Blumen seind kräftiger dann das Kraut/ vnd die Wurzel besser dann die Blumen.

Dise blumen beyß in Wein / vier Wochen/ seyhe den hernach herab/ Distillier ihn durch ein Alembik fünfmal/



mal / ist besser dann  
Gold. Wer den mit  
sechs Pfeffertörner /  
vnd ein wenig Lavans  
der Wasser genüzet /  
darff sich den Monat  
für dem Schlag nicht  
besorgen.

Alle Morgen ein  
Löffel voll getrun-  
cken / ist gut für das  
Darmgesücht / für  
Geschwer hinden am  
Hirn / machet auch  
gar gute Vernunfft/  
an die Stirn/vnd hins  
den an das Haupt ges  
trichen.

#### Meyblümlein Wasser.

Die Blümlein allein gebrennt mitten im Meyen/  
vnd getruncken auff sechs Loth/ist gut dem/ der Gifft  
gessen/oder ein tobender Hund gebissen/treiber die Ge-  
burt / stärcket das Hirn / Herz vnd Sinn / nimpt den  
Fallenden Siechtagen. Getruncken auff vierzig Tag/  
gut für Ohnmacht/ vnd wem die Sprach gelegen ist/  
bringr den Frauen ihre vorlohrne Milch/vertreibt die  
Harnwind / fürs stechen vmb das Herz/für entzündte  
Leber/hilfft den Frauen/die ihr Kranckheit hart has  
ben. Kühlet die Schöne/darüber gelegt/macht klar  
re Augen/darein getropfft. Vnd welchem das Haupt  
oder Glieder zittern/der wäsche sich vorhin sauber/vnd  
trückne sich / darnach streich das Wasser an/vnd laß  
trucken werden / es hilfft / Morgens vnd Abends ges  
han.

Hufflatz